



Inatsisartunut Ilaasortaq, Per Rosing-Petersen, Partii Naleraq

NUTAAQ

§ 37 naapertorlugu apeqquutip akineqarnera - atorfinitsitsisarnermut periusissamik suliaqarnissaq pillugu Naalakkersuisut isumaliutigisaannut killiffik

Allakkap ullua: 21-02-2018
Sagsnr.: 2018-2699

Asasara Per Rosing-Petersen,

P. O. Box 1037
3900 Nuuk
Oqarasuaat (+299) 34 50 00
Nassitsigasuaat (+299) 34 63
50

Inatsisartut suleriaasianni § 37 naapertorlugu apeqquittunut Naalakkersuisut qujapput.

E-mail: oed@nanoq.gl
www.naalakkersuisut.gl

Apeqquutigisatit taakkunungalu akissutit tullinnguuttuni takuneqarsinnaallutillu atuarneqarsinnaapput:

1. Naalakkersuisut atorfinitsitsinermi periusissiornerlutik isumaliutigisaat piareersimasussaq, § 37 aperinermi suliaq nr. 2017-2465/AAN akissuteqaammi taakkartugaq, sumut killippa, naammassisimappallu qanoq isikkoqarpa?

Akissitigineqartut § 37 naapertorlugu apeqquummik 2017/112-imik nangitsinerupput. Apeqquqartup tassunga atatillugu "oqaatsitigut piginnaasaqarnissaq aamma Kalaallit Nunaanni kulturimik inuiaqatigiinnilu pisunik ilisimasaqarnissamik kissaateqarnek" pillugu immikkut paasissutissiisoqarnissaa kissaatigaa.

Naalakkersuisut atorfinitsitsinermi periusissaliornerminni atorfinitsitsisarnermut kaajallaasitaq inerisarniarlugu toqqarsimavaat.

Ulloq 1. oktober 2017 atorfinitsitsisarnermut kaajallaasitaq nutaaq atuutilerpoq, peqatigitillugulu qitiusumik allattoqarfimmi sulisunik atorfinitsitsisarnek pillugu kaajallaasitaq 6. marts 2015-imeersoq atorunnaarluni.

Qitiusumik allattoqarfimmi sulisunik kiisalu suliffeqarfimmi namminersortitani il.il. direktorinik atorfinitsitsisarnek pillugit kaajallaasitaq nutaaq 1. oktober 2017-imi atuutilersoq ilanngussatut ilanngunneqarpoq.

Allannguutit pingaarnarpaat kaajallaasitami § 2, imm. 1, aamma § 9-mi takuneqarsinnaapput.

Kaajallaasitami § 2, imm. 1-imi massakkut ima allassimasoqarpoq:

»Piginnaasaqarfissatut piunasaqaatit ilagaat suliassatigut piginnaasaqarnissaq aamma nalinginnaasumik piginnaasaqarnissaq, taakkununga ilanngullugit kalaallisut, danskisut tuluttullu oqaatsitigut piginnaasaqarnissaq kiisalu kalaallit kulturiannik inuiaqatigiinnilu pissutsinik ilisimasaqarnissaq..«

Kaajallaasitamilu § 9-mi imatut allassimasoqarpoq: "Naalakkersuisoqarfimmi pisortatut imaluunniit qitiusumik allattoqarfimmi pisortaanertut kiisalu suliffeqarfimmi namminersortuutitani pisortaanertut atorfinitsitsiniarnermi qinnuteqartunut piunasaqaataapput kalaallisut, danskisut tuluttullu oqaatsitigut piginnaasaqarnissaq kiisalu kalaallit kulturiannik inuiaqatigiinnilu pissutsinik ilisimasaqarnissaq. Piunasaqaatit taakkua suliamut aqutsinermullu tunngasutigut pisinnaasaqartuunissamut piunasaqaatit assigalugit pingaartinneqassapput."

Kaajallaasitap allangorneratigut erseqqissarneqarpoq atorfiit inuttaqartinneqanngitsut inuttalerneranni pisinnaasanik nalinginnaasunik piunasaqaateqalerneru, soorlu kalaallisut suliatigut oqaalunnikkullu piginnaasaqarnissaq kiisalu kalaallit kulturiannik inuiaqatigiinnillu kalaallinik ilisimasaqarnissaq.

Akissut tusarniaaneq tunngavigalugu naammassisaavoq, tusarniaanermi peqataatinneqarsimapput Naalakkersuisut Siulittaasuata Naalakkersuisoqarfia (NSN), Isumaginninnermut, Ilaqutariinnermut, Naligiissitaanermut Inatsisinillu Atuutsitsinnermut Naalakkersuisoqarfik (IINIAN) aamma Inuussutissarsiornermut, Suliffeqarnermut, Niuernermut Nukissiuuteqarnermullu Naalakkersuisoqarfik (ISNNN). Tusarniaavigineqartut ilassutissaqarsimanngillat.

Med venlig hilsen

Inussiarnersumik inuulluaqqusillunga

Aqqaluaq B Egede